

欽定天文正義

欽定天文正義卷二十五

房宿占

房宿占

史記天官書房為府曰天駟其陰右驂索隱爾雅云天駟房也詩紀歷樞云房為天馬主車駕宋均云房既近心為明堂又別為天府及天駟也正義房星君之位亦主左驂亦主良馬故為駟王者恒祠之是馬祖也

宋史天文志房四星為明堂天子布政之宮也亦四輔也下第一星上將也次次將也次次相也上星上相也南二星君位北二星夫人位又為四表中為天衢為天閤黃道之所經也南間為陽環其南曰太陽北間為陰環其北曰太陰七曜由乎天衢則天下和平由陽道則旱喪由陰道

則水兵亦曰天駟為天馬主車駕南星曰左驂次左服次右服次右驂亦曰天廐又主開閉為畜藏之所由星明則王者明驂大則兵起星離則民流左驂服亡則東南方不可舉兵右亡則西北不可舉兵

觀象玩占房四星曰天牀總管四方一曰天旗一曰天事一曰天龍一曰天倉一曰天表一曰天衡一曰天府木星也房星動外則財寶出動內則財寶入

管窺輯要房居卯分亦曰天廐王者祠房星謂其為馬祖也又為蠶祖蓋蠶為龍精月建卯則浴蠶種又房星為農祥國語曰龍祥晨正所謂晨正者立春日晨見正南方也

其占百穀熟

月五星犯房宿

史記天官書犯四輔輔臣誅索隱案謂月犯房星也四輔房四星也房以輔心故曰四輔也

後漢書天文志房右驂為貴臣歲星犯之為見誅

晉書天文志月犯房第二星占曰將軍有憂月犯房上星占曰將相憂月奄房南第二災星在次相月犯房占曰將相

憂熒惑犯房占曰房四星股肱臣將相位也月五星犯

守之將相有憂歲星守房占曰將相憂一云有大赦歲

星犯房占曰豫州有災填心星守房心占曰填守房多禍

喪守心園內亂天下赦 太白犯房上星占曰上相憂太

白入房心為兵喪

唐書天文志歲星掩房占將將相憂又宋分也

熒惑犯房占曰君有憂一曰有喪 太白守房占曰白衣

會

宋史天文志太陰犯房陽道為旱陰道為雨中道歲終又  
占上將誅當天門天駟數熟 歲星犯房更政令又為兵  
為飢民流守之大赦天下和平一云良馬出 熒惑犯房  
馬貴人主憂色青為喪赤為兵黑將相災白芒火災守之  
有赦令十日勾己者臣叛 填星犯房女主憂勾己相有

誅守之土功興一曰旱兵一曰有赦令 太白犯房四邊  
從守之為土功出入霜雨不時 辰星犯房有殃守之水  
災一云北兵起將軍為亂

觀象玩占月犯房四足蟲多死荊州占曰月中犯乘陵房  
星君有憂色亦兵戰青喪黑將相誅凡候水旱專司月行  
至房若由中道則時和歲豐若行陽環小旱行太陽大旱  
且有喪行陰環小水行太陰大水且有兵 歲星守房有  
德令海中占曰他國有獻馬者魚鹽貴 郗萌曰倉粟虛又  
曰飢荊州占曰王者心平百姓得情石氏曰吏民相傷木  
犯將相憂其分有災石氏曰有暴貴者木入房天子有子

一曰有更令荊州占曰五穀熟天下安一曰大將受封木  
經房南而犯守之大旱由房北犯守之大水木與房合都  
萌日有兵戰木舍房南五穀旱傷民多寒熱病舍房北多  
雨五穀水傷牛多死舍東馬多死舍西民飢木逆行犯守  
乘凌房以其所中命之又曰臣有陰謀木星順行留房中  
道其色明潤而無所犯人主將相俱有喜人和歲豐王夫  
大行守之愈久國祚愈長 熒惑犯房春秋文耀鉤曰將  
軍為亂黃帝占曰火犯房芒角怒有大兵火入房天子憂  
兵起一曰有白衣之會一曰馬貴出之則還賤一曰地動  
火入房出其北主憂出其南臣憂出中道而留有喪又曰



火行房南旱行非道水火逆行於房宮中失火一曰地動  
火賁房中央兵起出其南男子災出其北女子災火守房  
大臣作亂石氏曰天下更政黃帝占曰貴人疾有兵喪一  
曰火災又曰大飢良馬出巫咸曰多水災一曰土功興荆  
州占曰秦燕趙殃郝萌曰火以九月守房兵車滿野又曰  
火守房非燕趙凶守房中魯衛凶守房南吳楚凶 填星  
犯房荊州占曰國君死右服為秦魏左服為楚右驂為齊  
左驂為趙土入房天子有子海中占曰土入房若犯之其  
分有兵土之房五穀豐土守房甘氏曰旱以守有兵石氏  
曰更起宮室工役煩興又曰國有女喜巫咸曰有獻馬者

一曰貴人多死一曰地動人疫一曰胡兵發大飢土逆行  
衆守左右驂臣有陰謀土中犯陵乘房左驂左服所中將  
誅中犯乘陵右驂右服所中相誅一曰土星中犯陵乘房  
皆為君憂 太白守房臣脅君土功大興布帛貴火守之  
大飢黃帝占大臣有戮死者石氏曰良馬出廐兵車滿野  
巫咸曰國有更令又曰旱多火災五穀不成郝萌曰有奸  
謀荊州占曰六畜多死黃帝占曰太白守房南旱天子有  
良輔守房北水天子有良友太白逆行守房多死喪太白  
中犯陵乘房四夷起謀中國有憂李筌曰有兵戰一曰將  
相誅牛馬疫 水守房甘氏曰大臣相譖暴誅臣佐郝萌

曰人多暴死一曰良馬出廐天下道不通一曰大水石氏  
曰兵發一曰有白衣會一曰馬貴辰星犯房有赦穀貴人  
飢奸臣有謀辰星入守房心之間地動

天文會通木星犯房五穀豐治太平民無疾疫有德令

土星犯房主有喜不爾有赦犯守成勾己相黜 金星凌  
犯房君有憂色青憂喪色赤憂兵色黑將相死色白芒角  
有喪 水星守房夏大潦退行干犯將相憂

按房宿四星中南為第一星在黃道南五度半月與火  
金二星及犯之木土水三星不及犯最南為第二星在  
黃道南八度惟金星及犯之中北為第三星在黃道南

二度最北為第四星在黃道北一度月五星皆及犯之  
又案宋志云房四星中為天衢黃道所經南間為陽環  
北間曰陰環七曜由乎天衢則天下和平由陽道則旱  
喪由陰道則水兵今測房宿四星惟最北一星在黃道  
北餘三星皆在黃道南是黃道經其所謂陰環而不得  
經其所謂天衢也日行黃道則常由陰道不能經天衢  
更不能由陽道月與火金二星能由天衢及陰道陽道  
木土水三星則能由天衢及陰道不能由陽道也觀象  
玩占云木經房南而犯守之大旱火行房南旱若謂南  
間為房南則木星不及行若竟謂房宿之南則火星亦

不及行也占家未察星度大率皆然則其所謂占殆亦  
不足據故錄其說而辨之觀者當知所取材矣又案房  
星為農祥今東三省相傳每年十一月下旬觀房宿占  
來歲美惡以月末至房宿前一日占春正過房宿之日  
占夏已過房宿次日占秋月從房陰間行有風雲歲旱  
無風雲歲和從房中間行有風雲歲善無風雲旱從房  
陽間行有風雲微旱無風雲大旱占秋日北風霜旱南  
風霜遲十二月下旬月離房宿日觀天色風雲占來歲  
種植所宜天將明時色青宜稗色紅宜粱色黃宜黍色  
白宜蕎麥色黑宜豆亦猶存古意云

彗孛客星見房宿

漢書天文志客星見于房占曰為兵起

宋史天文志彗星犯房國危人亂其分惡之 孛星犯房有兵民飢國災 客星犯房歷陽道為旱陰道為水國空民飢色白有攻戰入為糴貴

觀象玩占彗孛出房諸侯舉兵甘氏曰天下水旱人民飢死鄰萌曰兵戰不止蜚蟲交下一曰名山崩宮中有火天下有喪彗孛犯房若貫之有兵亂石氏曰天下相殘有亡國 客星犯房甘氏曰兵起客星出房郝萌曰名寶出黃帝占曰客星出房若守之在陽為旱為喪為飢在陰為兵

為飢為水客星入房米貴人流徙鄰萌曰大臣為逆天下  
有急令亦有更令荊州占曰有德令有賊臣天文論曰客  
星入房左右服有獻焉者若出之人君以馬賜諸侯客星  
守房米貴馬疫客星舍房左右羣臣有奪爵邑者客星出  
房心間地動

天文會通彗星出房所宿之國徐舊實新入房禍患相殘  
又禍患至彗守房其國危 星孛於房有強臣孛星干犯  
房兵潰大將受誅一日人主憂亂一日兵革起中國災山  
崩地動 客星在表之南多旱去高田耕下田在表之北  
多水去下田耕高田

流星出入房宿

宋史天文志流星犯房在春夏為土功秋冬相憂入有喪  
乙巳占其<sup>出</sup>其分天子恤民下德令

觀象玩占流星出房天子有使出賑飢一日流星出房左  
右服天子遣使之諸侯流星如蛇曲行入房臣為逆流星  
抵房外國有獻異獸名馬者一曰宰相出鎮流星衝房水  
災流星犯房將相有黜者

天文會通流星入房國昌<sup>臣</sup>昌用色黑君憂

雲氣出入房宿

宋史天文志雲氣入房赤黃吉如人形后有子色赤宮亂



蒼白氣出將相憂

觀象玩占雲氣入房亦黃潤澤名寶入出房國寶有出者  
黃雲氣入房外國入貢黑雲氣出房宮中有憂黑雲氣入  
房將相憂白氣如大道入房有水  
天文會通黃雲氣入房諸侯獻寶

鍵閉

史記天官書北一星曰牽

按北承上文  
謂房宿之非

正義說文云牽車

軸端鍵也兩相穿背也星經云鍵閉一星在房東北掌管  
籥也占不居其所則宮閉不禁居則反是也

宋史天文志鍵閉一星在房東北主閑籥明吉暗則宮門

不禁

月五星犯鍵閉

宋史天文志月犯鍵閉大臣憂火災 歲星填星守鍵閉

王不宜出 太白犯將相憂 熒惑犯主憂

觀象玩占月犯鍵閉有兵 五星犯守鍵閉兵起天子憂

土犯之王者不宜出宮

天文會通木星逆犯鍵閉王者有憂 火星逆犯之禁庭

有虞 金星犯之兵起 土星入犯有土功 水星入之

大水

按鍵閉一星在黃道北一度半強月五星皆反犯之

彗孛客星見鍵閉

宋史天文志彗星客星守鍵閉道路阻兵起一曰兵滿野  
觀象玩占彗孛出犯鍵閉道路不通

天文會通彗孛干犯鍵閉有兵喪 客星犯鍵閉暴兵起  
客星大如杯守鍵閉五十日不去喉舌之官惡之

流星出入鍵閉

天文會通流星抵觸鍵閉外國有奸使入禁庭出鍵閉喉  
舌腹心之臣有匿謀

雲氣出入鍵閉

天文會通黃雲氣入鍵閉天子安黑氣入之禁兵有虞蒼

白氣入之有急兵赤氣往來掩星不見有火災

### 鉤鈴

史記天官書旁有兩星曰鈴

按旁承上文謂房宿之旁

索隱元命包曰

鉤鈴兩星以閑防神府閭舒為主鉤距以備非常也正義

占明而近房天下同心鉤鈴房心之間有客星出及疎拆者皆地動之祥也

宋史天文志鉤鈴二星在房北房之鈴鍵天之管籥王者至孝則明

觀象玩占鉤鈴二星在房東近右服右駟兩星之間天子之腹心喉舌也

月五星犯鉤鈴

漢書天文志熒惑守房之鉤鈴鉤鈴天子之御也占曰不  
太僕則奉車不黜即死也

晉書天文志月掩鉤鈴占曰唯在臣憂

宋史天文志月犯鉤鈴大人憂車駕行 歲星守之為飢  
熒惑守之有德令 太白守喉舌憂

填星守王失土

觀象玩占五星犯守鉤鈴大臣誅一曰太僕奉車當之  
火逆行犯鉤鈴王者憂

天文會通月犯鉤鈴有邊寇 木星犯鉤鈴太僕死 火

星犯之喉舌臣有憂 金星經天犯鉤鈴有喪 土星犯之王者有憂 水星犯之有強臣。

金火守之將相黜

按鉤鈴二星北為第一星在黃道北十六分南為第二星在黃道北五分月五星皆及犯之

彗孛客見鉤鈴

宋史天文志彗星犯鉤鈴宮庭失禁 客星犯之王有奔馬之敗

觀象玩占彗孛犯鉤鈴宮亂 客星出鉤鈴地動

天文會通彗星掃鉤鈴失政一曰有兵喪 星孛鉤鈴喉

古有愛謀一曰有兵變 客星犯鉤鈴腹心有陰謀守之  
喉舌之臣有陰謀

流星出入鉤鈴

宋史天文志流星犯鉤鈴王有奔馬之敗

天文會通流星犯鉤鈴宮門不禁

雲氣出入鉤鈴

天文會通黑雲氣入鉤鈴天子宮禁有暴兵起蒼白氣入  
之天子有兵憂黃氣入之天下同心赤氣入之有火災

東咸西咸

宋史天文志東咸西咸各四星東咸在心北西咸在房西

非日月五星之道也為房之戶以防淫泆也明則信吉  
觀象玩占東咸西咸一曰大明房之戶扇常為帝側之屏  
以表障後宮星明而行列正王者威令行妃后安微小不  
正防守者憂

月五星犯東西咸

宋史天文志月五星犯東西咸有陰謀民飢 熒惑犯之  
臣謀上與太白同犯兵起 歲星填星犯之有陰謀

觀象玩占月犯東西咸有賊 五星犯守東西咸臣有不  
從令者 火守之兵起一曰女主憂

天文會通木星逆犯東咸道路有阻 火星犯東西咸有



火災 金星逆犯東西咸有兵喪 土星逆犯東西咸興  
土功民勞 水星犯東西咸大雨水傷禾稼糴貴民飢

按東咸四星最北第一星在黃道北五度強月與火金  
二星及犯之木土水三星不及犯次第二星在黃道北  
三度強惟木星不及犯次第三星在黃道北一度半次  
第四星在黃道北半度月五星皆及犯之西咸四星最  
北第一星在黃道北九度強惟金星及犯之次第二星  
在黃道北六度月與金星及犯之木火土水四星皆不  
及犯次第三星在黃道北三度半惟木星不及犯<sup>次</sup>第四  
星在黃道北四度木土二星不及犯月與火金水三星

皆及犯之

彗孛客星見東西咸

宋史天文志客星犯東西咸主失禮后妃恣

觀象玩占彗孛出兩咸宮門不禁貴女有憂 客星入東

兩咸人主失道一曰貴人女有憂若有黜者

天文會通彗孛客星犯守東西咸人君失禮后妃專橫臣  
有憂客星犯東西咸臣下有奸謀兵起

流星出入東西咸

宋史天文志流星犯東西咸王者憂

天文會通流星抵觸東西咸有兵流星出入則聞臣出

雲氣出入東西咸

天文會通黑雲氣干犯東西咸有兵不然有水

罰星

宋史天文志罰三星在東西咸正南主受金罰贖曲而斜  
列則刑罰不中

觀象玩占罰三星南北列主誅罰

天文會通罰三星主刑罰法令之事以金贖罪星不欲明  
明則法令不平小明而潤天下無枉法星明出怒角則有  
冤獄

月五星犯罰星

觀象玩占月犯罰誅貪臣 金水犯貪臣誅

天文會通火金水入犯罰星寃獄起

按罰三星北第一星在黃道北十三度月五星皆不及  
犯次第二星在黃道北八度惟金星及犯之次第三星  
在黃道北四度木土二星不及犯月與火金水三星皆  
及犯之

彗孛客星見罰星

宋史天文志彗星客星犯罰星國無政令憂多枉法

觀象玩占彗孛出或守罰星天下多枉法

天文會通彗掃罰星貴臣繫獄 星孛干犯法令繩良民

天下亂 客星犯罰星執法者有私心

流星出入罰星

天文會通流星抵觸罰星刑獄不公

雲氣出入罰星

天文會通黃氣入罰星刑措不用白氣入之軍法加大將  
黑氣入之執法者死

日星

宋史天文志日一星在房宿南太陽之精主昭明令德明  
大則君有德令

觀象玩占日一星在房中道前

月五星犯日星

宋史天文志月犯日星下謀上 歲星守之主得忠臣陰

陽和四夷賓五穀豐 太白熒惑犯之主有憂

觀象玩占月掩日星臣謀君 熒惑犯日星有大戰

天文會通水土犯守日星下僭君權

按日一星在黃道北二分月五星皆及犯之

彗孛客星見日星

宋史天文志彗星客星犯日星主失位

天文會通彗掃日星除舊真新之象天下有更玉 星孛

日星側諸侯不受制于天子 客星犯守日星臣下有陰

謀

流星出入日星

天文會通流星抵觸日星外國入寇流星出入使也色青  
黑人君有憂色黃白人君有喜

雲氣出入日星

天文會通黑雲氣干犯日星其野有兵喪白雲氣入之兵  
起黃雲氣覆日星天子德施于民天下安餘色皆凶

從官

宋史天文志從官二星在房宿西南主疾病巫醫明大則  
巫者擅權

按從官二星其北一星亦在黃道南十三度月五星皆不及犯

彗孛客星見從官

宋史天文志彗孛犯從官巫臣作亂

天文會通彗孛犯從官巫醫通外奸有臣謀 客星乘守

從官巫醫干政

流星出入從官

天文會通流星掩從官醫卜之官失勢

雲氣出入從官

宋史天文志雲氣犯從官黑為巫人戮黃則受爵



天文會通蒼白雲氣入從官巫醫掌兵黑氣入之術士有  
匿謀

欽定天文正義卷二十六

心宿占

心宿占

史記天官書東宮蒼龍房心心為明堂大星天王前後星  
子屬不欲直直則天王失計索隱李巡曰大辰蒼龍宿體  
最明也春秋說題辭云房心為明堂天王布政之宮鴻範  
五行傳曰心之大星天王也前星太子後星庶子

宋史天文志心宿三星天天正位也中星曰明堂天子位  
為大辰主天下之賞罰明天天下同心天下變動心星見  
祥搖動則兵離民流

觀象玩占心三星曰大火亦曰大辰一曰天司空一曰天  
相火星也其北四尺為日月五星中道心者木中火故其

色赤心為天之閔梁中央大星欲赤而明則天子明德服天下暗小青黑則天子微弱三星欲其俱明前後星不欲過其中星而後星又不欲過其前星芒角則天下有大兵色黑則國有喪旁多小星則天下爭後星為庶子亦為親密大臣之位動搖則庶子大臣死

天文會通心三星為天下海內主置積卒位也心星明大天下同心前後星光明赤黃者太子庶子各有賜賞賀事

### 月五星犯心宿

史記天官書火犯守房心王者惡之也正義熒惑守房心及房心生芒角則王者惡之也

漢書天文志月犯心星占曰其國有憂若有喪

後漢書天文志心為天子明堂熒惑逆行守之為反臣  
太白犯心前星為兵喪

晉書天文志月犯心大星占曰心為天王位王者惡之月  
犯心前星太子有憂又曰豫州有災 填守心國內亂天  
下散

隋書天文志月犯心占曰有亂臣不出三年有亡國

宋史天文志太陰犯心大臣憂犯中央及前後星主惡之  
出心大星北國旱出南君憂兵起 熒惑犯心大臣憂貴  
心為錢與太白俱守為喪又曰熒惑居其陽為喜陰為憂

又曰守<sup>之</sup>主易政犯為民流大臣惡之守心南為水北為旱  
逆行大臣亂

太白犯心雜貴將軍憂有水災不出一年有大兵舍之色  
不明為喪逆行環繞大人惡之辰星犯明堂則大臣當  
之在陽為燕在陰為塞非不則地動大雨守之為水為盜  
觀象玩占月犯心其國有憂若有喪乙巳占曰有內亂宮  
中有逆臣石氏曰月犯心大星國人為亂犯前星太子不  
得立憂賊臣有亡國犯後星庶子惡之月乘心石氏曰其  
國相死萬民備火月掩心三星俱翳國內亂賊臣起兵大  
將死大飢熒惑犯心戰不勝大將關死海中占貴人有

餓死者鄰萌曰有反臣巫咸曰萬物不成土功興民憂火  
災犯太子太子憂犯庶子少子憂火乘心石氏曰其國相  
死火守心有流血其國兵悉出入死大旱布大貴鄰萌曰  
火守心南有男喪守北有女喪火守心已去復還守之有  
火赦火守心色怒赤芒角廷中有伏兵色黑有亂兵事不  
成而敗一曰火守心色赤兵起青有喪在心東為齊魯在  
西為秦晉在中為周宋在南為楚在北為燕趙又曰火守  
心色赤臣謀主色白臣有賜爵者色青大人憂色黑兵在  
外敗火逆行而守心石氏曰有喪鄰萌曰早有火災地震  
火與心鬪有暴喪火中犯喪逆乘守心巫咸曰大臣當之在

陽為燕在陰為胡一曰有火異 大白守心大飢黃帝占  
曰天下有大怪國有喪一曰多蟲巫咸曰有逆臣石氏曰  
中國有殃兵車滿野有軍在外客軍大敗一曰人多死喪  
其年蝗虫敗穀太白中犯陵乘星為旱天下多火災一曰  
相為亂兵四起 辰星中犯乘陵心有亡國辰星犯心或  
乘之大雨水地動甘氏曰水旱俱作甲兵動石氏曰辰星  
犯心水滅火三日不去主憂臣戮百川溢水守心布帛貴  
巫咸曰徭役煩賦斂重一曰色赤為兵旱色水且喪  
天文會通月犯心之陽其國大旱犯心之陰其國大水  
水星逆行乘陵心內亂賊起下謀其上



按心宿三星第一星在黃道南四度第二星在黃道南  
三度半月與火土金水四星及犯之第三星在黃道南  
六度月與火金二星及犯之餘不及犯觀象玩占謂其  
下四尺為日月五星中道蓋指第一星而言也

### 彗孛客星見心宿

宋史天文志彗星犯心大臣相疑守之而出為蝗飢又曰  
為兵星孛於心其分有兵喪民流客星犯心為旱守  
之為火災舍之則糴貴民飢

觀象玩占彗孛出心蝗虫作五穀傷人流亡彗孛入心有  
喪石氏曰大臣造亂兵起一日大臣相戕天下被甲客

星出心石氏曰君遣使于諸侯以色占其事及其吉凶以  
其所主命所之國郝萌曰客星出心左右或上下有抵罪  
而走者色黃白無事青黑死亦以兵隨之客星入心石氏  
曰諸侯有使來以五色占何事以所起占何國夏氏占曰  
有德令一曰相憂疾黑星入星近臣謀主赤星入心兵起  
宮中青黑星入心天子憂入右星太子憂入左星庶子憂  
黃白星入心天子有喜入右星太子受賜入左星庶子受  
賜客星犯乘心大旱天下慎火一曰米貴兵起近臣叛大  
人憂國易政客星掩滅心有賊臣客星守心黃帝占曰有  
善令巫咸曰粟貴人飢兵起有奸臣郝萌曰土功興有大

人喪天下人病

天文會通彗星犯心宿君失政彗守心大臣謀上彗長可  
人所出心宿中其國有更政彗星如帚掃心宿不見其國  
有陰謀 孛星犯心宿有戮臣一曰劍戟用兵起國亂孛  
守心大臣詐謀以亂國其國有兵星孛於心中星色白天  
子有憂色青國飢色赤內廷有災色黃天子有慶賀事

心宿上有一星去心一尺許中有謀心下一尺許外有謀  
星多謀多星少謀少上下俱有星中外俱有謀星遠入遠  
星近人近

流星出入心宿

宋史天文志流星犯心臣叛入之外國使來色青為兵為憂黃有土功黑為凶

觀象玩占流星入心有喪流星出心大臣出使以五色占之流星犯心兵起一曰大人憂流星春夏犯心有火災天文會通流星入心外國有使來色黃有喜又為土功白言義青憂黑凶赤言兵一曰遠國夷狄入貢

### 雲氣出入心宿

宋史天文志雲氣入心色黃子孫喜白亂臣在側黑太子有罪

觀象玩占雲氣出心青色天子使人於諸侯赤色有兵將

出亦黃氣出心王就國黑雲氣入心天子憂入左星庶子  
憂入右星太子憂白氣入心天子左右臣作亂兵起黃氣  
入心天子有子孫喜入右星太子喜黃白雲氣潤澤如匹  
布正抵心下外國有來歸者

天文會通黃氣如蓋覆心天子有大慶又曰太子受賜

### 積卒

宋史天文志積卒十二星在房西南五營軍士之象主衛  
士掃除不祥星小為吉明則有兵一星亡兵少出二星亡  
兵半出三星亡兵盡出

觀象玩占積卒一曰衛士金官也所以守衛明堂其星細

小而明則吉明大動搖則君臣不寧朝廷起兵芒角動則有聚兵事

按積卒古謂十二星今只二星其北一星亦在黃道南十五度月五星皆不及犯

彗字客星見積卒

晉書天文志他星守積卒近臣誅

宋史天文志彗星客星守之禁兵大出天子自將

觀象玩占彗出積卒為謀星去疾則謀不成若守之大將有憂一曰彗出積卒衛士為亂禍不成

客星出入積卒主兵之臣憂石氏曰兵士為亂近臣有謀

受誅士卒多死者

流星出入積卒

觀象玩占流星入積卒兵起將死

雲氣出入積卒

宋史天文志雲氣紀積卒青赤為大臣持臣欲論兵事  
天文會通黃雲氣入積卒禁兵強盛餘色俱凶

欽定天文正義卷二十七

尾宿占



# 尾宿占

史記天官書尾為九子曰君臣斥絕不積索隱宗均云屬後宮場故得兼子子必九者取尾有九星也元命包云尾九星箕四星為後宮之場也正義尾為析木之津於辰在寅燕之分野尾九星為後宮亦為九子星近心第一星為后妃次三星夫人次九嬪末為妾占均明大小相承則后宮叙而多子不然則不若明暗不常妃嫡非亂妾媵失序宋史天文志尾宿九星為天子後宮明則后有喜穀熟不明則后有憂穀荒

觀象玩占尾九星蒼龍尾也一曰天雞一曰析木一曰天

狗一曰風后一曰天廟一曰天司空一曰龍螭一曰九子  
水星也其非十尺為日月五星中道主八風箕尾之間謂  
之九江口故尾星又曰九江主水蓋天曰蒼龍之尾陰陽  
之所交雷風之所興也主禁密祭祀蔣養之事明則五穀  
成熟不明則五穀大傷

按尾宿九星其最北一星亦在黃道南十一度月五星  
皆不及犯觀象玩占謂其北十尺為日月五星中道較  
今測差少一度

彗孛客星見尾宿

晉書天文志客星在尾中占曰燕有兵喪

宋史天文志彗星犯尾宮人出兵起宮門多土功出入貴  
臣誅有水災彗星犯尾多土功大臣誅守之宮人出  
出為大水民飢客星犯入尾宮人惡之守之賤女暴貴  
出則為風為水後宮惡之兵罷民飢多死

觀象玩占彗字出尾歲多惡風暴雨大水大飢后相貴臣  
皆有憂客星入尾甘氏曰天下飢人相食流徙他鄉疾  
病死亡男不得耕女不得桑春秋聖洽符曰大水石氏曰  
北夷大飢來降又曰國多土功有尾之禽大災一曰多風  
雨宮人災白星入尾邊城有兵司空死之一曰備賊臣客  
星出尾君使人於諸侯

天文會通彗出尾中其下有死君彗掃大星後宮有女喪  
彗星來犯尾宮人黜彗本可丈所奄星其下有暴兵一曰  
不有死將必有屠城 孛星干犯尾宮人黜後宮有憂又  
曰君臣不協孛星色白言兵色赤後宮災色青有憂色黑  
後宮有陰謀色黃則吉孛星出入尾貴人憂孛星犯尾宿  
兵敗將亡

### 流星出入尾宿

宋史天文志流星入犯尾色青舊臣歸在春夏後宮有口  
舌秋冬賢良用事出則後宮喜有子孫色白後宮要死出  
入風雨時穀熟入后族進祿

觀象玩占流星出尾色青黑臣有逃者流星入尾賤女暴貴一曰故臣有歸國者流星衝犯尾佞臣受誅

天文會通流星入尾諸侯有來使流星出尾君使人賫諸侯色黃後宮有喜亦為有子孫之喜

### 雲氣出入尾宿

宋史天文志雲氣入尾色青外國來降出則臣有亂赤氣入有使來言兵黑氣入有諸侯客來

觀象玩占青雲氣入尾故臣有來歸者出尾臣有死者赤黃氣入尾有使來言兵事黑氣出尾人民流亡

### 神宮

宋史天文志神功一星在尾宿第三星旁解衣之內室也

按神功一星在黃道南十九度月五星皆不及犯

## 天江

史記天官書天潢旁江星江星動人涉水正義天江四星在尾北主太陰也不欲明明而動水暴出其星明大水不禁也

宋史天文志天江四星明動為水兵起星不具則津梁不通參差馬貴

觀象玩占天江四星明大則天下水災微小如常則陰陽和水旱調明而動則水暴出江河溢五穀不熟民以水飢

天文會通天江四星主江淮河海關津道也明大出怒角  
關津不通

月五星犯天江

晉書天文志熒惑守天江有立主

按隋書犯天江占曰河

津不通

太白犯天江占曰河津不通

歲星犯天江占

曰有兵亂河津不通

隋書天文志填星守天江占曰有江河塞有決溢有土功

宋史天文志月犯天江為兵為臣彊河津不通

熒惑犯

大旱 太白犯暴水

觀象玩占月犯天江大水入城郭民飢去其鄉

熒惑守

天江賊起水中。巫咸曰：天下有水。乙巳占赤地十里。民流亡。

天文會通：月犯天江，天下川溢。月當天江五日內有雨，則災解。無雨則大旱。木星守天江，五穀登，糴賤。土星犯之大旱。金星入之，有暴兵。水星犯之，為水。歲不登。

按天江四星：第一星在黃道南四度弱，土木二星不及犯月，與火、金、水三星皆及犯之。第二星在黃道南三度半，惟木星不及犯。第三星在黃道南二度弱，第四星在黃道南一度弱，月五星皆及犯之。

彗孛客星見天江



宋史天文志彗星犯天江為大兵 客星入天江河津不通

觀象玩占彗孛犯天江有大兵出天江大水五穀不成  
客星入天江閼津絕道路塞一曰河津吏有憂

天文會通彗星犯天江江河有兵變 星孛天江江海兵  
起為亂 客星犯天江舟楫不通若守之五十日以上水  
寇起兵

流星出入天江

宋史天文志流星犯天江為水為飢

天文會通流星抵觸天江有水賊通內奸

雲氣出入天江

宋史天文志赤雲氣犯天江車騎出青為多水黃白兵起  
入則兵罷

觀象玩占赤氣出天江將軍出野黃白氣入天江天子用  
兵出之兵罷

天文會通黑雲氣入犯天江大水入飢白雲入之有兵黃  
氣入之國有喜

傳說

隋書天文志傳說一星在尾後傳說主章祝巫官也章請  
號之聲也主王后之內祭祀以祈子孫廣求脣嗣詩云克

禋克祀以弗無子此之象也星明大王者多子孫

宋史天文志傳說一星明大則吉王者多子孫輔佐出不明天下多禱祠

按傳說一星在黃道十三度半角月五星皆不及犯

### 彗字客星見傳說

宋史天文志彗星客星守之天子不享宗廟

觀象玩占彗字出傳說祠非其神一曰巫祝起

客星出傳說少子孫

天文會通彗星掃傳說妖言害政 星孛傳說有巫祝掌

兵權一曰淫巫害政 客星犯傳說巫祝妖言流毒天下

流星出入傳說

觀象玩占流星入傳說有子孫之憂出之有子孫之喜

天文會通流星抵觸傳說巫祝官災

雲氣出入傳說

宋史天文志亦雲氣入傳說巫祝官有誅者

天文會通黑雲氣干犯傳說巫祝有權一曰淫祀興民有  
妖言蒼白氣雲氣入之巫祝為法師

魚

宋史天文志魚一星在尾後河中主陰事知雲雨之期明  
大則河海水出不明則陰陽起多魚亡則魚少動搖則大水

暴出

觀象玩占魚星一曰據星一曰蒙星主雲旗統陰事其狀如星如雲忽忽不明黃帝占曰魚星居河東旁近箕爲常所若中河而居則兵起海中占曰大水若出河外大旱五穀不成

按魚一星在黃道南十一度半月五星皆不及犯

彗孛客星見魚

觀象玩占彗孛出魚星大水海魚出守之魚行人道客星出魚星魚鹽貴一曰有大水

天文會通彗孛犯魚星有兵喪不爾旱荒客星犯守魚

星陰三日內有雨守五十日以上天下大澇守魚星陽無  
雨守五十日以上天下大旱

流星出入魚

觀象玩占流星抵魚星大水魚鹽貴

天文會通流星抵觸魚星百川漲溢

雲氣出入魚

宋史天文志赤雲氣出魚星兵起將受入兵罷黃白氣出  
兵起

天文會通黑雲氣入魚星大水傷禾稼黃氣入之百穀順  
成蒼白氣入之不水即兵

# 龜

漢書天文志龜鼈星不居漢中川有易者

宋史天文志龜五星在尾南主卜以占吉凶星明君臣和  
不明則上下乖

觀象玩占龜五星在尾南漢中一曰連珠主贊明神定吉  
凶

天文會通龜星五星主河中陰事星明則天下和平君臣  
有道明大出怒角水旱為災

按龜五星其最北一星亦在黃道南三十度強月五星  
皆不及犯

彗字客星見龜

宋史天文志客星入龜星為水憂

觀象玩占客星入龜星小憂無傷倉粟發出之珠玉貴若  
守之則上下乖離

天文會通彗星掃龜星有兵變 孛星出龜星兵起不爾

大水 客星犯龜星陽則為旱犯陰則水入中央其下兵  
起

流星出入龜

宋史天文志流星出龜星色赤黃為兵青黑為水各以其  
國言之



觀象玩占流星出龜星卻萌曰色青黑所之國水色黃赤  
所之國旱

天文會通流星犯龜星河防決

雲氣出入龜

宋史天文志赤雲氣出龜星卜祝官憂

天文會通黑雲氣干犯龜星大水蒼白氣入之兵起

欽定天文正義卷二十八

算宿占

箕宿占

史記天官書箕為敖客曰口舌索隱宋均云敖調弄也箕以簸揚調弄為象箕又受物有去去來來客之象也詩云維南有箕載翕其舌又緯緯云箕為天口主出氣是箕有舌象讒言故詩曰哆兮侈兮成是南箕謂為敖客行請謁也正義箕主八風亦后妃之府也移徙入河國人相食

宋史天文志箕宿四星為後宮妃后之府亦曰天津一曰天雞主八風又主口舌主蠻夷星明大穀熟不正為兵離徙天下不安中星衆亦然糴貴凡日月宿在箕壁翼軫者皆為風起舌動三日有大風

觀象玩占箕四星曰天津一曰天漢主津梁一曰風口一  
曰風星主八風一曰孤星主孤格一曰天雞主時亦曰天  
陣金星也又為女相主口舌又曰天后後宮之別府也其  
北六尺為日月五星中道又主蠻夷戎貊四夷將動必占  
於箕箕星明大則五穀蕃熟讒諛不用四夷來庭暗小不  
明則君違國亂四夷不服内外有悞動則蠻夷有使來拆  
則大風為且<sup>災</sup>有口舌相殺事就聚細微則歲凶粟貴其中  
小星少亦如之箕前二星謂之天舌芒動則有大風不出  
三日

管窺輯要尾而受之以箕示婦道也字書云女執帚為婦

周禮春枕皆掌於女奚箕承帚掃除糞穢又為簸揚五穀之器木杵主春而糠者穀枕也箕止糠杵三星屬之可以知婦無外事矣天子后妃之寢麗於此者嗣續無窮之意東方屬春產萬物者也故太子謂之東宮又主太子問安視膳以孝養其親也亦謂天津以其近河也故主高麗諸國箕星好風蓋東方主風此星簸揚故主八風凡日月水躔箕則風起正義云土氣為風水氣為雨木克土為妃故箕星好風是尚妃之所好也蓋風為土之沖氣而木克之則飛騰之象應之是以好風

月五星犯箕宿

史記正義月宿其野為風起 金火入守箕宿天下亂

晉書天文志月犯箕占曰國有憂又曰國有兵

宋史天文志月犯箕多風糴貴為旱女主憂君將

按隋志作將軍

死後宮干政 熒惑犯箕地動入為旱出則有赦久守為

水逆行諸侯相謀 太白犯箕女主喜入則有赦出為土

功糴貴守之為旱為風民疾出入留箕五穀不登多蝗

觀象玩占月犯箕有饑臣君臣不和 熒惑犯箕后妃有

憂郝萌曰天下國相擊男不得耕女不得織牛馬死火來

箕非夷大飢來降火入箕中天下亂民莫居其室春秋緯

曰兵起荊州占后族有口舌事一曰倉粟發一曰盜起人

多闔死又曰歲凶乙巳占火入箕大旱穀貴又曰火入箕  
中若守之天下兵起吏人相攻士卒半死人民流亡又曰  
國失地火守箕郝萌曰有赦黃帝占火守箕左歲惡天下  
勞其分君有疾國有內變甘氏曰火火守及環繞成勾己  
大臣誅有水且旱孝經緩神契火守箕多土功霜雨不時  
郝萌曰貴臣亂國政急地動又曰胡貉有憂又曰火守箕  
前其國惡守箕後糴貴三倍火以十月守箕海中占曰是  
謂火入水民飢火舍箕郝萌曰用事者坐之火留止箕口  
中有兵兵罷無兵兵起火入箕去復還守之巫咸曰大臣  
亂國土功興貴人死大水道不通 太白犯箕石氏曰天

下飢一曰王者失地一曰後宮有喜金守箕兵起巫咸曰  
多土功民疾疫海中占曰有兵郗萌曰歲多水金守箕曰  
民多誹謗太白逆行箕成勾己石氏曰大臣為亂兵起天  
下憂金火相隨而變火舍天門西金舍天津中人主無出  
門若之遠宮

天文會通月至箕則風揚月在箕有變則有暴風雨月倚  
箕前則歲旱倚箕後則歲水 火星守箕燕王有疾一曰  
貴人多病若十月守箕天下火

金星經天犯箕中其國有女喪亦曰後宮有急兵起又曰  
其野有暴兵若守本色犯箕其國有廢后亦曰有暴貴暴



黜嬪御金星犯守箕環繞成勾已禁衛有陰謀

按箕宿四星第一星在黃道南七度弱第二星在黃道南六度半日與火金二星及犯之木土水三星不及犯第三星在黃道南十一度第四星在黃道南十三度強月五星皆不及犯觀象玩占謂其北六尺為日月五星中道蓋指第二星而言也

彗孛星見箕宿

宋史天文志彗星犯守箕東夷自滅出則為旱為兵北方  
龍彗星犯箕為外夷龍糴貴守之外夷災出為穀貴民  
死流亡春夏犯之金玉貴秋冬土功興入則多風雨色黃

外夷來貢 客星入犯箕有土功宮女不安民流守之為  
饑色亦為兵守其北小熟東大熟南小饑西大饑出其分  
民飢大臣有棄者一云守之秋冬水災

觀象玩占彗孛出箕大水出人大飢一曰夷狄入中國兵  
起且有旱海中占曰天下多死喪詩含神霧曰彗孛出  
箕若守之東夷下濕與水居將為亂 客星出箕民飢一  
曰出箕南旱出箕北水客星入箕天下飢一曰北夷飢來  
降荆州占多暴風雨客星守箕工役大興

天文會通彗出箕穀貴夷狄有亂若出箕中其野有亂兵  
亦主燕趙有更玉入箕中其國有革政亦曰有新令彗本

在箕芒角奄前二星不見者后妃有疾貴女惡之彗星掃  
箕其下有廢后亦主有女喪彗星犯守箕四夷相攻大旱  
兵起 孛星守箕東夷水災星孛於箕中其野有大寇掠  
良民不利主將亦主大旱星孛於箕燕趙旱色青飢色赤  
後宮災色白急兵色黑大水糴貴色黃則吉主中外通和  
奸 客星出箕中色青白者其野有急兵有死將客星入  
箕外國有使來客星守箕中奄前相不見女相有憂亦曰  
內謀通外奸宮中有變

### 流星出入箕宿

觀象玩占流星出箕宮人有出者一曰大臣有棄捐者流

星入箕多暴風雨若色黃外國入貢流星犯箕春夏金玉  
貴秋冬土功興流星交對抵箕多疾病口舌流星大如斗  
沒箕中其下有流血

天文會通流星出箕中主其野兵出先舉者不利流星入  
箕若色黃大臣出使流星抵觸箕色蒼白主寇起燕趙色  
青赤主嬪御有憂入抵箕中其國有死將亦主東夷起兵  
雲氣出入箕宿

宋史天文志雲氣出箕色蒼白國災除入則蠻夷來見出  
而色黃有使者出

觀象玩占黃白雲氣入箕蠻夷有使來蒼白雲氣入箕其

糠

國有災出之災除黃白雲氣出箕天子使者出一曰宮中  
夷人有出者赤雲氣出箕兵出入之兵入

天文會通黃氣入箕四夷來貢獻黑氣入箕後宮有死者

宋史天文志糠一星在箕舌前杵西北明則豐熟暗則民  
飢流亡

觀象玩占糠一星主簸揚給犬豕糠粃

天文會通糠一星主歲之豐凶每以歲首上甲日及冬至  
日候之明則歲豐暗則歲飢黃潤而明則五穀登人安天  
下和平明大出怒角天下荒歉

月五星犯糠

天文會通月犯糠星年穀不登民有菜色 火星入糠星  
大旱五穀不登

按糠一星在黃道南六度半月與火金二星及犯之木  
土水三星不及犯

彗孛客星見糠

天文會通彗星掃糠星人民飢荒散徙 星孛糠星斗米

千錢民糠粃 客星守糠星天下饑其國流亡

流星出入糠

天文會通流星千犯糠星歲飢

雲氣出入糠

天文會通黑雲氣入糠星天下無糧黑氣奄糠星米貴黃金賤黃氣入之天下大熟白氣入之兵起有喪

杵

宋史天文志杵三星在箕南主給庖春動則人失釜甑縱則豐橫則大飢亡則歲荒移徙則人失業

觀象玩占杵三星木官也主春曰之用星小而明則五穀成天下安不明則歲惡明而動則有兵杵曰用事軍糧急天文會通杵三星主歲之豐歉

按杵三星其最北一星亦在黃道南二十三度月五星

皆不及犯

彗孛客星見杵

宋史天文志彗孛犯杵有急兵 客星犯守杵歲飢

觀象玩占彗孛出杵歲飢兵起 客星出杵而守之天下

兵起有秬米粟之事

天文會通彗星掃杵星飢民為寇 星孛杵星中民窮為

盜 客星犯杵星穀大貴

流星出入杵

觀象玩占流星入杵五穀貴杵不用

天文會通流星抵觸杵星盜賊為亂